



錢塘韋先生文集目錄卷第十一
啓

謝舉主陳少卿啓

謝舉主潘駕部啓

代徐簽謝憲使啓

謝馮漕舉京官啓

謝轉官啓

謝太守啓

謝劉兵部啓

代張郎中謝兩府啓

謝運使王學士啓

上劉工部啓

代章伯瞻謝沈舍人啓

又謝郭省副啓

謝王學士啓

謝憲使元郎中啓

賀張郎中移廣漕啓

謝守倅啓

謝章卿舉應詔啓

上劉吏部啓

謝范吉州啓

謝徐漕啓

謝夏漕啓

上徐漕啓

上虔州劉都官啓

謝蔣漕舉陞擢啓

謝轉太常博士啓

謝監司舉陞陟啓

得替謝監司啓

謝提刑毛職方啓

謝張蹇二學士啓

問候王相公啓

謝發運吳兵部啓

海門得替謝啓

代楊侍郎上文太師啓

謝楊侍郎啓

代人謝及第啓

謝呂少監舉陞陟啓

上右丞啓

謝執政啓

二首

謝梁學士啓

謝李郎中林工部啓

賀謝中書胡舍人啓

賀范待制啓

謝戶部楊侍郎啓

代人謝舉學官啓

代楊潛古代授制啓

又謝前執政啓

謝韓左司啓

得替謝執政啓

代李尚書回王學士啓

又回王學士謝理雪啓

謝授職任啓

到任謝執政啓

謝執政啓

上蔣樞密啓

謝狀元以下十人啓

謝解啓

謝及第啓

到任謝執政啓

上執政啓

謝兩府啓

謝虞尚書舉自代啓

謝舉主陳少卿啓

右某啓今月初九日伏聞發奏舉某堪充縣令者繫已而進終始或乘取人之艱古今所病矧利祿之兼誘則真和之並馳廣隅易修底裡難辨仰惟著令尤重舉官內責公卿外憑牧守屢宜所存無三造之褒一失其人有連坐之玷故居要者怠于汲善膠榮者恬不顧卑所抑既多彼求愈巧以至脅肩事諂利舌獻譖或伏勢于權豪或屈身如廝役止期苟得安恥屑為悠々盡然徃々皆中是以伊優被用端直見遺辟書不及於寒門撫仕悉歸于華曹夫惟有志之士

豈或效尤於時寧坐而窮不微而貴幸焉際于知遇
足以為之振明若某者不才陋儒勉力初宦固以操
守拙于耦從獄訟盡心未嘗自愧塵泥託迹詎敢蹂
圖雖知行誼之可依常懼卑微之難立賴居軫下少
慰胷中逃責及年撫躬甚慶况於意望之外復冒發
揚之恩旋省愚蒙併增喜懼此蓋伏遇知郡少卿廓
精明之鑒闢中正之途報國不捐其知所器人不責
其必脩曾是踈賤亦逢挈持上叩九重之深使充百
里之任所謂採蠅木而荐萬乘歛微埃而增太山可
否未分光榮已倍金石可敗肺腑不忘然獎飾既優

烏得議私誠之報惟忠勤以報庶不貽公舉之差過
茲以還不識所措

謝舉主潘駕部啓

伏聞今月二十五日發奏舉某堪充縣令出於不虞
悚若自失致讓莫及過情是憂切惟名鄉之建言本
朝之刻弊在擇令之一事深遺恩于四方曩者忽為
小官署以庸品不由保任之重詎聞貪污之流累月
中程指期得調藉展私計他無善圖陰持金錢爭市
膏壤殆其施政適足殃民進既無光榮顯赫之資退
不惜高尚清白之舉日暮途遠情侈意奢盡力爪牙

屬饜肺腑百里之繫彼哉何思一軀之謀靡所不至
邑：相望人：效尤世所共憂下幾無告理義不足
覲其面法律不能誅其秉豈漸靡之使然由選用之
非要登茲革制莫不承休謂朝廷高遠不可偏評其
短長則牧守按臨乃宜審核于才實所知者俾以名
進不令則咎其濫升用是有年號為得士此深蒙惠
凋瘵更生弦歌相聞賦役不橫若昔單父之子賤益
昌之易于間或有之曷可勝紀脫非扶精明之度何
以副論荐之優如某者賦性近愚趨時寡變投來即
學彈冠應書偶塵下科獲就初仕然雖斷：寔無他

能寧或容：以徵後福善可扶而必直惡可沮而必
摧棄行夙心孰愧清識而况賢威在上公道甚平貫
行匪勞囂訟自引天假之幸間空犴而坐曹日亡所
營但援琴而悅德竊安閑而持己奚毀譽之在人未
為竒功猶免俗吏罔志于化敢言容駟之高門毋枉
所存何害折腰于五斗庶可逃責尚安妄祈豈意左
右汎傳聰明誤未以充舉吏之所請備長人之負獎
飾逾涯驚惶無他此蓋某官持衡當路推轂下僚敦
易事而不求錄小能而必器策款段而與其進括輪
困而使之材故惟么微亦被振發敢不永懷方格固

守朴忠誓無玷身義不尸祿捷徑邪至耻同躁人鑿
墉益高遠鑒古語完平生之蘊藉遲異日之窮通萬
一有為勉罄設施之效始終勿改仰酬傾遇之私舍
茲以還不識所措

代徐簽判謝憲使啓

竊以別乘之職半刺之任贊綱紀于一郡助風化于
千里其責匪易其人甚難徃存辟署之法今聞汲引
之路自非乎朴茂之士挾幹濟之才則何足當論荐
之重為擢用之漸若某者格局踈淺闇于臨事持手
齟齬拙于趨時一塵科目七更州縣連蹇萬狀孤寒

一節若王良之說豈能為之詭遇如韓子所謂誰肯
轉之清波幸烏晚歲偶綴通籍獲從事于壘曩誠託
庇于使旆不及曠敗已踰意望豈料過聽返辱茲舉
荷推轂之賜雖甚可榮懷鑿墉之懼何以自慰斯蓋
某官以公忠報國以明恕取人凡有小善而必錄不
于一夫而求備故惟庸賤亦被振挈敢不薄略邊幅
堅固蘊藉監鮮終之戒卒至白首持不阿之志上承
清朝庶幾保全無玷知獎過此以往不知所裁

謝漕使馮學士舉京官啓

右某伏聞發奏舉某堪充京官任使竊冒存揚驚惶

固甚仰惟驅策庸懦不勝何則朝廷高深郡縣綿邈
吏役于外官曹寔繁奚事之之可稽豈銖之之足較
庶能惡得而上達旌勸過緣而下通故闢寵榮之塗
乃張保任之法使部察一部州舉一州限之常負拘
以累日屢宜所荐雖不之褒一失其人則鈞而咎增
峻彛範逆防偷和爵靳不虛位欲無幸且天下從宦
數常萬千而選中得賢十或八九然而間有廢道尚
懷穿窬僥恩而榮竊賞而惠頻之愼佞之黨烈之貴
權之門諂諛浸加請托交至所嫉雖可用退而寘諸
淵所悅雖不才鑽而出其羽是以伊優忝軒冕之賜

耿介有山林之思誠窮素之阻艱寔公平之蠱蠹非
哲人得志安能汲寒俊之蹤非雅吏致身何以當君
子之荐如某者賦性樸鈍與時迂踈強遺犁鋤出即
祿仕然其斷之殆無他能寧或容之以微後福有誠
必盡出位不謀念幼學而壯行詎枉尋而直尺塵埃
一命敢謂乎滯淹獄訟三年偶逃于譴責皆賢威之
所覆在天幸以何多尚安妄圖足以自適豈意聰明
汎采衡鑒誤收以充數于囊封請備員于京寺獎飾
過越悻慙倍兼此蓋伏遇某官以義取人以忠報國
不于一夫而求備雖有小善而必聞曾是么微亦遭

賢威二字中
有誤

振挈敢不至其弗逮勉所未完礪清節而益堅秉赤
心而愈固若窮通所繫一付于大鈞惟正直不渝永
酬于厚遇舍是以往固知所裁卑情無任激切依歸
之至

謝轉官啓

右某啓伏蒙恩授前件官職業素空冒銓衡之鈞攷
寵靈槩及忝宸陛之臚傳頌伏載惟悖慙獨甚何則
承平積久從仕至多以干進為常心指養恬為異趣
飾廉隅以文其外廣結納以援其旁悠々簪組之間
汎々軒裳之列擴寸銖而稱效累日月以僥榮莫匪

自謀幾何小補背毛腹毳夫豈能為乘集雙飛固奚
足卹朝端患其若是選法與之更新保任則減夫常
員課最則增于舊矩欲荐揚之寔必俟考盈防請託
之深惟容外舉豈將阨汲引之路蓋以待英豪之未
苟非超卓之倫曷副延求之意如某者學靡該洽器
非優長以罷軟而弃農耕由窶貧而圖祿宦一竊科
第久甘塵汎雖知利達而有為自分顛蒙之難疆遠
騁逐之可惡固操修于必安發施無不篤于誠思慮
未嘗踰其位治因江左猶多好犯之民作邑淅東或
有欺欺之俗鑒古人而良歎叨秩廩以宜羞奚虞冗

敬之資亦被褒陞之命孰謂自致敢忘所緣此蓋伏
遇集賢僕射相公堅贊國之懷竭代天之力闢公道
而刑四海端直表而正百官雖澄濫進之源常嫉蔽
賢之敝欲裨巨浸不棄涓流之微欲助大明罔遺燭
火之細遂使迂踈之品亦繇論荐而遷敢不充擴良
能養完舊蘊務端平而中立舍矯揉以外求赤心有
不徇之忠白首無可移之節仰疇覆露之惠次谷鈞
陶之私寘茲而言曷識所向卑情無任激切知歸之
至

謝太守啓

右某啓此者拜命楓宸竊玷王言之綽補官萍邑獲
依刺史之天載省載惟且懼且懼一昨濫膺章奏耦
合銓衡繇江左之決曹從浙東之領縣雖持已有常
道而治民無長才第遵法令之程勉襲循良之迹然
而風力所被未虛訟筒勸導所加猶有曠土犴或留
于宿繫犬未免于夜鳴徒疊々以竭精乏班々之顯
效閱歷萬變因循數年止圖逃責以罷歸不意當途
之論荐揣非功而見錄慙以次而被遷籍名初隸于
省中出宰合從于湖外念安輿之侍奉患遠道之間
關據陳此心請易茲地其如生齒繁夥封疆闊踈久

傳難治之散固有先憂之勢借令挾利器之用烏可
忽盤根之堅况欲遠希古人擺去俗狀上承朝家撫
育之意下徇田里便安之情興言及斯為理非易仰
有所賴庶幾自平恭以知郡郎中德性素高術學尤
粹識通世務望歷仕途輟計庭徑畫之謀即藩壤承
宣之任發恩威而兼濟端錯舉而至公千里安甯悉
行懷而樂處一時屬吏惟拱手而貫行則某也奚悼
剗煩良甘託質豈須矯激易于無腰笏之勞敢事優
游巫馬守戴星之分方叙款誠之獻過蒙教誨之貽
指期可伏于門闌嚮誼難窮于筆舌下情無任激切

單字彙後

知九行至

諫劉兵部啓

右某啓伏蒙恩授前件官竊叨陞擢寔冒荐揚自知
固明塞責何以拜命之始積憂已深何則百里之疆
萬室之衆思斁所致戚休所緣教令擇後先利害審
因革孤嫫困疾之必濟強梗侵陵之必鋤鈞賦役之
重輕訓農桑之勤怠皆政本之尤急在思兼而果為
事或難常不欲苟作而徵譽敝有得易不當姑息而
殃民上奉朝廷愛育之深下成閭黨便安之望故典
邑之官則小而字人之職非輕况貫行于盛時刻次

傳難治之散固有先憂之勢借令挾利器之用烏可
忽盤根之堅况欲遠希古人擺去俗狀上承朝家撫
育之意下徇田里便安之情興言及斯為理非易仰
有所賴庶幾自平恭以知郡即中德性素高術學尤
粹識通世務望歷仕途輟計庭徑畫之謀即藩壤承
宣之任發恩威而兼濟端錯舉而至公千里安旼恚
行懷而樂處一時屬吏惟拱手而貫行則某也奚憚
剗煩良甘託質豈須矯激易于無腰笏之勞敢事優
游巫馬守戴星之分方叙款誠之獻過蒙教誨之貽
指期可伏于門闌嚮誼難窮于筆舌下情無任激切

知歸之至

謝劉兵部啓

右某啓伏蒙恩授前件官竊叨陞擢寔冒荐揚自知
固明塞責何以拜命之始積憂已深何則百里之疆
萬室之衆思斁所致戚休所緣教令擇後先利害審
因革孤嫻困疾之必濟強梗侵陵之必鋤鈞賦役之
重輕訓農桑之勤怠皆政本之尤急在思兼而果為
事或難常不欲苟作而徵譽敝有得易不當姑息而
殃民上奉朝廷愛育之深下成閭黨便安之望故典
邑之官則小而字人之職非輕况貫行于盛時刻次

補于舊制率由保任之法宜得精明之材倘匪其人
曷充其茲選如某者闇于大體寔無他能學尚托于
逢原識未宏于經遠枉尋直尺違俗得譏吐劉茹柔
與古共耻向占名于仕版獲試采于江城礪愚以勤
輔拙惟正自謂赤心之足特詎疑白璧之難為業疎
誠病于技窮謀過返慙于智小方免愆之未暇俄被
舉于不虞卒令叢微玷此銓品此蓋伏遇知府兵部
逢時補報履道信誠不私所荐而害人不合所知而
蔽上持衡顯位毫隱莫容推轂下僚跡單罔間曾是
空頑之器亦遭汲引之恩敢不固于朴忠勉所充擴

彈琴聽治雖微子賤之優閑腰笏衛民敢效易於之
激切庶幾有立之漸靡及無聞之嗟上答生成次酬
驅策寔是而語烏知其他

代章郎中謝兩府啓

拜命中宸榮歡固切領麾遠郡愧懼方深念委寄之
匪輕揣才猷而莫稱竊起循墻之戒且虞假器之譏
雖朝廷任人容有不備然師帥宣化得無自難恭惟
某官柱石邦家鈞衡海寓贊周道之如底輔克仁之
若天未嘗不為官擇人思所以與世興利耻一物之
遺澤遠過伊臯欲四方之長民皆如懿魯如某者濫

膺綸選實積兢惶敢不固守朴忠厲精術學勉圖治
狀豈甘碌々之無竒微補昌時願效涓々之不止仰
答生成之賜次疇陶鑄之私舍茲以還不識所措

謝運使王學士啓

將迎既失竊羞拘滯之資苛細不誅尚賴寬明之度
悵為謀之甚拙于自咎以宜多何則邑落幽深使麾
崇重非按視之繇此曷望瞻之有階固當俯伏道旁
奉承鈴下露悃誠之萬一聽教戒之丁寧豈惟盡事
上之儀亦足悟臨民之術而某智忘適變性泥執方
念積粟于困倉慮繫囚于囹圄畏空城之無守計嶮

路之且遙奔馳敢憚于暮歸參候欲圖于晨往豈意
供帳都存脂車亟行入境不呵耕耘之無止解鞍惟
頃頃伺之難量是以策蹇莫前拜塵靡及憂沾汗背
愧發頰顏雖聞飛蓋之遠猶難半途而畫回轡固漸
于違禮越疆返懼于冒威進退冰淵腹心茫刺彈琴
聽治耻非子賤之幽優閑負弩先驅獨遠相如之風未
其為不幸烏可勝言恭惟運使學士道涉本原器函
宏厚吏不由于末節假人微察于至誠故此最微之
體得逃懈緩之譴仰戴鉅德寔將終身某下情無任
惶懼之至

上劉工部啓

某起伏審消宸已諧禮上千里之內民物喜躍迺及
旁郡莫不延頸企踵以便教命之行仁人之風其盛
如此恭惟某官德業宏遠志智勇兼善累更重寄所至
稱首爵賞之及未嘗不避化天下之貪激天下之懦
遠比古人夫復何讓頃者領荆楚之漕乘歲歉之後
迫于經費假易供調冀行民力卒挂吏議左授此邦
在公何愧邦之士庶聞上拜命知公決無愠色而皆
望賜于公是公之誼見然信于四方深矣則公之自
任宜如何其重且睦雖偏封數得賢守前有范趙以

言謫居公今繼之輝煇相屬豈天獨私于是哉某不
才之人向備奔走受公之恩殆為私頌公之美不為
諂今茲效官幸在近境雖獲偃仰山邑聽輿歌之傳
不能俯伏麾旆道州人之慶伏祈早膺大用以充郡
望卑情無任激切依歸之至謹具啓事陳賀

代章伯瞻謝沈舍人舉陞權啓

右某伏聞論荐引重度越倫等自頽衰晚豈可愧荷
古語有之遠觀所舉如明公之達而某也被舉不既
失于多愛而略其所觀乎恭惟明公發德誼之積廓
兼善之量不以富貴自大以賞識汲引為己任雖古

之才臣忠輔駕于拔賢進善者當不過是宜有豪傑
茂美醞藉深遠副明公甄收之精當熙朝器使之重
若某者何足尚哉明公曲借題品請備陞用挽而致
之使出門下豈所謂先其所知而來所不知者邪退
惟匪材敢不強勉耿介之守老當益壯有為之心亦
所未已庶幾異日不為提獎之玷寔是而言鉅錫何
報區區之誠寔罄于此

謝郭省副啓

右某竊以朝廷清明賢傑輩出中外要職固或輕付
雖官非宿業仕不食舊而東求進用平正詳審故人

各自效宣布風力增高太平輝映前世然猶間詔近
侍參舉所知付之有司以備陞擢為官擇人無盛于
此宜有樸茂瑰偉之彥宏深重之器達古而不踟
于泥適時而不牽于俗材猷綽然度越夷等上副鉅
賢之論荐下平四海之公議在于某也能如是乎忽
玷明公之削仰塵當守之覽旋自省度豈不恐畏此
蓋伏過某官廓精明之鑒持劉正之度責人甚薄未
嘗矜己小善不隱將以報國魯惟踈鄙亦冒汲引霜
臺靖位夙荷于恩麻虎符遠守尚叨于齒記終始厚
德何以負戴固當倍益素蘊堅完晚節更圖微效之

力庶塞見知之深舍茲以往不識所措

謝王學士啓

伏聞發奏舉某堪充京官任使者無所取材分孤蹤
之連蹇不求必備幸高誼之甄收仰冒荐揚竊深驚
懼伏念某學不貫道智非適時強離耒鋤出即祿仕
忽已踰于一紀區區獲歷于兩官無邊幅之外修
無錙銖之旁援獨立雖不愧直行多可違衆皆謂其
迂疎心自安于方格敢謂白璧奚憚青蠅是以門如
冰寒席或塵滿靡圖虛譽之飾第畏素餐之尤然而
賦性不靈臨事幾闕攝調萬室勉三年獄訟豈能

盡其情惇獨豈能固其隱薄征均役蓋國令之素明
止盜去姦亦人情之常務之優之之美政微赫之
奇功得迺瘵曠之誅已慰勤勞之慮豈謂聰明泛采
衡鑿誤收擢之塵土之間聞之朝廷之上固稱驅策
難平悻慙此蓋伏遇某官充擴至誠主張公道別群
吏之淑慝振列城之紀綱排巧宦諂諛之朋絕貴權
請托之路片善可擴撫雖寒生不遺一惡可摧雖美官必
抑但量能于器使不格物于已長故在公微亦叨汲
引敢不增修踐履固守撲忠利國惠民則知無不為
謹身樂善則沒而後已庶幾一介之節無玷鉅賢之

門舍茲以還曷識所措

謝憲使元郎中啓

某啓初伏草萊辱公之顧舊矣從事十餘年常恐碌碌無狀為門闥之羞耳典邑窮僻官滿垂去而公按視此道望見麾旆愧喜兼作甫迨暮月首被論荐是公之所以蓄待不謂終久碌碌而期有植立于後時也則某之所以自勇于善報公之德宜如何其為守局畏簡書不獲奔走庭下姑獻鄙言以叙荷戴之懇惟公亮其誠畧洗瀆之罪皇恐皇恐不宣某再拜

賀章郎中移廣西察刑啓

某啓乍違麾旆傾慕深極伏承被受新命凡邦之吏民無不悅喜如某等草冒德之厚其為抃躍以言相賀百倍吏民之情非賀此足以為公榮蓋大君子進用之漸宿德舊蘊施發于他日未易可量是足以為賀也不識騎從今憇何所抗越計少留止赴治之程未知復過蘭汀否瞻仰威重不勝拳拳春深猶有寒氣途中倍乞自壽以慰衆望不宣某再拜

謝守倅啓

某啓智不察幾雖昏冥而可念體如慢上在微蕞以宜憂尚賴寬明得此譴責撫懷知愧冒德無涯何則

禮辨等衰律存統屬賤承于貴若級之在堂縣隸于
州如足之戴首順此高卑之分自然禮義之安苟易
視而不倫或輕為而敢犯祇自取辱孰云善謀謗非
難掩于能言悔吝固違于旋踵且不分菽麥猶知蹈
此而寒心豈粗服典經反肯倨然而措意事出不料
情當有原緣府隸之具文詣邑庭而請判詰其所命
則曰承檄而專馳審其所須則曰附身而為据念舊
槩之嘗及遂直書而不疑不度斯人輒連以上瀆聰
明而已甚發威怒于先行亟窮怠忽之根芽將冥愆
尤于繩約而某深思本末倍積悻慚汗竟趾而尚流

魂去幹而重返憫愚衷之未達露鄙語以自明非求
文過而脫身所覲宣誠而待罪豈謂霽嚴以納推恕
而通原心特道其因循降指惟從于戒飭置孤蹤于
無玷貽厚幸于不遺虞竊惟顛蒙何以補報此蓋伏遇
某官開有容之度敦易事之風不由一肯而廢人不
即一夫而求備故茲下吏獲被深仁固當勉所未完
充其不逮誓堅清白之節仰答包函之私舍茲而言
不識所向

謝章少卿舉應手詔啓

右某啓伏蒙奏名仰應手詔鄙樸何幸獎知獨深由

門下之荐揚方離選集被廷中之音旨又越等倫感
恩雖志于無窮揣已固慚于非分喜畏兼集情言曷
勝恭以聖人臨治之初天下安久之日丕承乎祖宗
基尤慎維持所重者邦國事為難忘因革既開
謹直之路復念滯淹之材以謂得于歲舉則泛未
精拘以官聯則規不廣乃頌不次之命庶獲有為
之賢內烏屬近視之臣外以委行臺之使毋有所隱
各舉而知不論品秩之高卑止問貴權之族裔舉取
實效一歸至公奏_後詔者其責非輕與是舉者其人
豈易宜收士類之翹傑以副上心之採求如某者器

業不優操修未粹徒蓄敢行之志殊無應變之資凡
所存誠固也效古人之守及夫臨事幾何非俗吏之
為曩得調于銓衡獲承風于使節踈鈍本希于逃責
聰明反誤于見知僻邑三年愧難成其美治荐書一
上幸曲借其餘輝解官既遠于恩闕待次方苗于里
閔豈圖多愛常齒不才復推累日之勤俾預一時之
選除官芸省方抱濫遷之憂出宰萍江遽煩聞使之
報始悞巨源之啓益銜知伯之知敢謂當然何由致
是此蓋伏遇運使少卿至明自照特立不疑報國以
誠取人以恕有以適用雖片善而不遺果于先聞雖

屢言而無倦故此蕞微之品數叨汲引之私敢不涵
養良心堅牢素履慕蹇輸忠之節屏區之膠祿之情
誓不苟隨保松筠於霜雪庶幾有補助海嶽之涓塵
上谷生成次酬振挈過此以往不知可哉

上江州劉吏部啓

右某伏審解職霜臺頌條江國仰惟化治之暇保協
神明之休恭以知府吏部德業粹全叡輝光溢頃輟
西箴之經畫入踐南床之劇指佞斥邪朝端畏其風
角廉貪立懦天下慕其猷為言有中而勇于必行事
或偏而期于必矯素耻依違之病比形執奏之堅蹇

南床二字疑
誤劇字下疑
有脫字

蹇自持固守匪躬之節疏之見抑肯興易缺之嗟甘
遷謫以獨安謹承宣而愈效幸哉千里獲繫布政之
優奈此輿謀猶蔚登賢之望某尸官僻邑引領恩闕
簡書有畏而進謁莫前麾旆且遙而馳心徒極伏望
上副倚注精調寢興

謝范吉州啓

右某言念曩繇公使得遂私誠較士籍以告休伏賓
陞而知幸謹仰誨言之益遠違德誼之高歸復拘攣
日馳精爽貢懇方慙于稽晚貽書又拜于勤渠齋醞
遠霑均美議晉賢之度瑞圖佳况集珍欵漢守之良

驟增傲邑之光愈積懦衷之感未緣參候徒切傾依
伏望上副倚注精調寢饋云

謝運使徐郎中啓

右某啓伏蒙發奏舉某堪充不次陞陟任使者剴繁
無狀方深罷黜之虞與善不求遽冒荐揚之賜榮懼
相半情誠曷勝恭惟國家緝持紀綱振補滯敝事有
可革不牽襲故而重于更張才有可庸不患處早而
難于驟進故獻議多繇于草野高蹈或作于丘樊正
賢者引類之秋迺君子得時之會然非抱竒瑋之器
曷足膺振拔之公况當精識之昭豈容誤采于汎

汎如某者所鍾不粹以學自資蚤脫犁鋤之勞即從
閨柝之守蓋為貧而無愧奚竊祿之足訊知理義有
以悅心而思慮未嘗出位荏苒既踰于一紀因循方
歷于兩官詎能枉道以求伸不謂憫窮之見取頃繇
汲引槩預遷除安輿念遠侍之難劇邑遂易方之請
材非虞詡當盤錯而可憂業謝言游在弦歌而安用
自據案而臨治每窮辰而疚懷平賦役于錙銖之間
辨情偽于毫末之始知其疾苦先也力行有所承宣
敢或自緩然而智淺謀遠心專術疎雖欲慕古人之
為幾何非俗吏之事豈意聰明過聽獎飾濫加曲刑

外舉之章援進下僚之迹退自揆省曷為夤緣此蓋
伏遇某官報國以忠取人以恕歷列城而恩威兼濟
廓至鑒而賢否坐分不忽涓埃之微不遺飛集之寡
皆龔羅撫拾欲盡致于有為故撲鈍迂疎亦見推于
不次某敢不益完素節愈礪赤心有利于邦繼捐軀
而何愛非義而貴誓沒齒而不居仰答生成之私次
酬知遇之厚寘此而語莫知所從

謝運判夏屯田啓

方某啓伏蒙奏舉甚堪充大藩通判任使者竊依鉅
庇逃吏責以踰年輒玷誤知冒荐書于前日幸出不

虞之甚憂深克荷之難伏以國家用人之常著令所
守凡須遷陞之次率訟保任而居非示之以疑貳之
端蓋施之為誘掖之道使輕淺易搖者把持而自固
罷軟不力者強勉以自支豈寸々之可量在涓々而
有間加澤雖由于正宁挈權多委于外臺當高賢公
舉之明必衆人皆可之善苟不及是奚宜致哉如某
者挺身草萊從事經史學第求古器非適時心惡巧
而近愚性恥隨而幾僻為貧而仕視閔柝而不卑由
義以安遠風波于莫測一塵士籍之末而效官曹之
微之美最之足稱惟孤衷之自信僅從汲引得預改

除安輿念遠侍之艱劇邑遂易方之請其如民物繁
夥封疆曼遙知禮誼者蓋稀謹教導而難入當茲錯
節愧無利刃之資名也得情期徧鳴弦之樂閱歲時
而將久得理而粗成未彰曠職之尤已慰善謀之計
豈謂聰明過察賞識汎收取于列城之窮擢于群彥
之後曲形奏續之重俾貳藩條之雄退者不勝靜思
所自此後伏遇某官至誠任己直道贊邦持衡當路
而軒輊不偏推轂下僚而采求不備曾是迂踈之品
亦叨挽進之私某敢不激厲遠存養完舊蘊堅其固
守之節充以壯行之心進則竭忠惟設身而後已恭

於從欲誓得志而弗為上谷生成次酬獎遇過此以
往詎可裁

上運使徐郎中啓

右某啓伸于知己士心之常不如乘時古語所載稽
義命而無愧審情言而可形况在高明之前必寬浼
瀆之咎某生而甚樸學以自持一塵下科久歷微宦
雖無應變之智獨保徇公之誠未嘗違道以求從豈
或屈身而希進職思所守固防濫竊之譏義在必行
敢迨因循之病徒欲展區々之志未能離碌々之間
幸此效官深于冒庇方慙盤錯之困迺被荐揚之光

揆力不勝銜恩已厚尚安懇款之獻蓋樂門闌之歸
恭惟某官敦易事之風廓有容之度察其非狂狷之
請使之安附託之榮則願竭愚衷冀毫厘之可撫抑
承賢畫庶萬一之有裨云：

上虔州劉都官啓

右某啓念向慕德名方抱積年之恨魚緣吏幹獲伸一
拜之勤幸款奉于霽威復飲承于餘論奔走侯封之
內往還賓履之間更月律以再之勤館人者數矣及
乘舟楫之便徒想旌麾之光銜禮遇而固深貢誠音
而何緩敢恃高明之炤必原慳惓之情伏惟鎮撫多

餘福休並集恭以某官吾儒懿範當世偉材術學素
明敬猷相副興利除害心古人之心履義居仁樂君
子之樂比輟外臺之畫整臨劇郡之雄雖遠民慰來
暮之懷然輿論有淹賢之嘆佇聞大任之降以愜至
公之評曾是么微尤增祝頌伏望上為邦社精調寢
興

謝淮漕蔣金部舉陞擢啓

右某啓伏審發奏舉某堪充陞擢任使者風力不疆
方虞曠職聰明誤未返玷荐書荷恩則深度已惟愧
且朝廷嚴督責之法郡邑有承宣之難非精識疏通

不足任今日之事非周材扶洽不足赴一時之功而
某也學粗知方智非應變佷俛薄宦因循歷年盤錯
屢當孰稱利器雪霜不改自保孤筠悉心縣道之繁
栖迹海隅之陋止待譴斥敢希獎知此蓋伏遇某官
履道坦夷取人汎博寸能必紀片善不遺故在蕞微
之蹤亦叨汲引之賜敢不就志謀遠忘軀狗公終保
自知之誠仰酬公舉之德下情無任激切依歸之至

謝轉太常博士啓

右某啓今月二十三日伏奉勅告授前件官者逢時
從仕宣力無聞累日序遷拜恩可愧偃倭雖知于益

戒輪困終病于非材靜以返思胡然冒進此蓋伏遇
某官至誠與物正誼接人凡其托軒輊之間莫不被
函容之賜故使承流之末既訟政績而陞敢不淬激
于中持循所學願竭杜行之志庶無幸位之羞上答
天仁次酬賢造下情無任激切知歸之至

謝監司舉陞陟啓

右某伏蒙發奏舉某堪充陞陟任使效官無狀幸吏
責之偶逃冒庇已深况荐書之復玷出于不度感在
無窮何則巨江以南劇縣相半曾是做境且鄰大湖
戶口攝比而艱于治生風俗輕悍而狃于冒法識禮

義者蓋寡賦善良而固多頗為難官足號巖邑向惠
侍親于遠遂甘易地而來既至之初悉心已治開之
以孝悌之道示之以廉恥之端斥惰游之害農去和
蠹之妨政爭訟求決必也寃枉直真偽之原賦役有
加必也均重輕勞逸之勢力可為而必極慮可索而
必殫間閔三年佻俛一意之顯績之足道偶編吐之
粗安皆高賢涵覆之私非不肖剝裁之致豈意聰明
過采衡鑒誤收矜其不備之資期以有成之器曲加
責飾俾預遷陞自維歛然何以至此茲蓋伏遇某官
誠心無撓德量有容報國以忠一言不苟蔽賢是嫉

片善不遺固在孤微之蹤亦叨汲引之賜敢不益堅
素守愈激懦秉見義必行羞于膠祿在邦有補誓不
傾軀庶幾踐履之完無辱獎知之重舍茲以往曷識
其他

得替謝監司啓

右某今月十一日依准先秦勅命已交割縣事與替
人管勾訖治繁既久逃責固多受代已歸荷恩有自
瞻門闌而雖遠銘肺腑以彌深何則自江以西為邑
非易况此巖險介于湖湘占版籍者四萬餘食境墉
者十五六舉皆集詔而難化復多輕悍以忘生詐偽

衆而艱于辨真抵冒煩而勞于扶弱足為盤錯之地
誠費剗裁之功故官者類不欲來而來者鮮以善去
某材資樸野術學迂踈始因遠侍之難遂有易方之
請然而據案臨事常懼不勝遵法衛民自疑無效倏
忽三年之外間關萬變之來賦役均平幸朝廷良法
之降盜賊衰止藉天地豐年之祥間或承檄奔馳越
疆營幹雜獄事經非辜之劾而縣道免不職之愆知
非所能宜有攸賴此蓋伏遇某官至明兼照巨量廣
包馭吏固有其方責人不取其備遂使孤微之迹不
形瘝曠之尤誓罄真心仰酬厚德下情無任激切依

歸之至

謝提刑毛職方啓

右某啓伏蒙削奏舉以陞陟者逃責歸罷已繫鉅庇
發函論荐復玷誤知感懼交深情言兼切一昨官巖
邑試刃盤根行所學而自持幸吾民之見信裁決庶
空于投銘勒渠敢後于戴星皦々誠心雖欲慕古人
之事區々治狀幾何非俗吏之為固微異績之可書
常慮非毅之或邁向鄰名部久冒德輝屢蒙善誨之
貽獲免瘝官之失何天幸之加厚會使麾之改行首
臨敝境之窮獨霽嚴威之重察大體而不誅其細假

優禮而少與之推百里增榮二天均况及茲受代莫
匪銜恩貢謝懇以方馳聞荐書之遽上出于踰分倍
以再思此盖伏過提刑職方廣聰明之資秉中正之
誼取人以恕報國以忠持衡當路而軒輊不偏推轂
下僚而來求不備故在孤微之迹亦叨汲引之私敢
不勉激懦秉益宏素節願違碌々趣直道以安行請
效涓々滋明時而潛補庶以始終之守不為獎遇之
羞舍斯以還不識所措下情無任激切依歸之至

謝蹇學士張學士舉陞陟啓

右某頃玷荐書獲序陞而固幸久稽謝款由密啓而

莫知感忤並深誠情兼至伏念某智非應變材不識
時強為立慙出即祿仕謂事功之可勉則知無不為
謂術學之可施則篤于自信凡五遷于職局惟一意
于撲忠宣勤徒罄于區々抗迹未離于陸々一昨拘
攀海邑向望使麾竊冒德以難多悵拜塵而罔及豈
意聰明過未衡鑒誤收潛行汲引之恩遠及空疎之
質此盖伏過運使學士取人以恕報國以忠不遺寸
長致之于有用不間小善必報之于勿疑故在孤蹤
亦叨公舉敢不養完素守勉勵杜行庶幾正直之風
仰酬知遇之重舍茲以往詎識所裁

敬字上疑失
必字

問侯僕射王相公啓

右某啓歛塵迺之微累銓誰海望台光之重久閣門
闌豈無犬馬之情第恨雲泥之隔故尺牘不通于左
方寸誠不達于高明在朝夕以拳、歷歲時而再、
恭惟僕射相公材尊命世功極代天智變若神卷舒
由道以稷禹自任于己非堯舜不陳于君發聖經之
義而學者知原贊皇極之猷而人心歸厚事可圖而
必立何憚艱難政可革而必更孰為法繫獨著龜于
機務絕蒂芥于浮言追還治古之風增重熙朝之業
績既成于久大身遂退于優游印綬乞還即舊邦而

偃息節麾懇避領仙觀之清閑雖鉅賢進退之心固
安于義然四海瞻依之素未足于情某自省顛蒙嘗
陶教育悵縻蹤于末末官阻伏謁于高牙願聽衮衣之
歸早充輿誦之欲伏望上為宗社精調寢興

謝發運吳兵部啓

伏蒙論荐舉某堪充臺閣清要任使者弱羽早棲物
情所分高才巨用人事之宜苟違一間而求是拒大
鈞之勢在志士乃能安于命惟達賢有以取諸人故
拔淹振滯則有時而為噓枯救涸則盡力而已要知
不失于清議然後可符于至公若公之舉也豈所宜

輕如某之愚也何足以稱此蓋伏過發運兵部深仁
汎愛厚德有容采其善而不求其完擇以心而不格
以己曾足冥行之迹亦塵密啓之言敢不充擴至誠
養全舊學俸其得為而不牽于習俗高其所向而無
愧于古人庶幾自信之成仰答見知之重舍茲以往
固識其他

海門得替謝啓

右某啓今月三十日准勅受代訖勤勞海邑營職無
聞荏苒天時終更遽及獲逃官謗一賴公庥方其朝
家法美而令嚴縣道勢輕而責重必欲奉行而底于

理莫非精識而竭其情乃能宣上之德澤而不為空
文始可議民之休戚而以安系首凡此皆其難務非
才何以曲全靜惟免戾之由固有歸仁之地茲蓋伏
過某官輔時以道待物以誠聳振列城之風激揚群
吏之治不銖々而求脩嘗皦々而有容故于樸拙之
蹤亦道迂疎之責感戴厚德鏤銘深衷無任悽々懇
到之切

代楊侍郎上文太師啓

右某伏審光膺宸命榮劇帝師顯機政之大謀主徑
邦之至論四方傳播壹意歡抃恭惟某官命世鉅材

濟時重器出將入相久贊無窮之基尊主庇民尤允
可大之業避榮即退閑之樂趨召副淵默之思戚休
常系于生靈出處可議于宇宙位冠三公之長禮優
五日之朝四夷方懾其威敷百辟再瞻其儀表太公
之佐周室止當應卜之初傳說之相高朝亦在宅憂
之後豈若詔聘加于得謝之際謀猷弼于弗言之時
誠曩古之所無乃昌辰之攸賴壯龜鼎尊安之勢慰
寰瀛鼓舞之情某忝領州麾遽之淮甸望台階之燁
燁展慶無緣貢愚款之區、宣心莫及伏祈上為邦
社精調寢興

謝楊侍郎

右某啓頃蒙論荐恩蓋出于不虞久憎剝聞罪難逃
于弗敏贖聰一決媿汗交流感秉則新冒德惟舊竊
以高位以蔽賢為患志士以自媒為羞然而人才固
豈易知已知亦不易遇惟疏達公明之識乃克有知
而不疑惟敏廉勁正之資乃能有遇而無負若某也
間閔末宦撲樵小材蔽迹不足以動人知謀不足以
適用徒繫身而奚補姑苟祿以未歸方其倅貳于淮
城幸矣棲遲于使部第拘側僻未仰輝光遽承趨節
以還空起戀軒之望不圖誤愛嘗玷飛章及道責于

終更即羅憂于永慕視息延于殆絕衣冠復于更生
一采京師兩易歲序馳騁敢思于千里回翔僅占于
一枝雖漫刺之或獲投尚霽威之未覲膺門可貴方謀
再拜之榮濤啓或傳始恪積年之賜此蓋伏過戶部
侍郎取人以道始物以誠是非不謬于毫厘軒輊不
差于帶芥采察有要何嘗直尺而枉尋慰荐所加不
俟聽言而觀貌此不肖銘心之感宜倍常情在鉅賢
垂手之私若為圖報誓永堅于操守庶毋辱于獎知
卑情無任激切依歸之至

代人謝及第

淡榜載揚竊塵精選渙恩就擢深愧非材宜黜而收
以崇為懼伏以國家養完士類辟雍尊建師儒恢張
三舍之規延聚四方之雋崇淵微詣理之學乍破碎
不經之文有弁補以激其能有攷察以砥其怠欲觀
其久則歲月以限必懲其甚則殿罰以終蓋誘之掖
之使成君子之器則或出或處盡冒聖人之風宜其
詔舉一傳計偕四集獨此群彥取先萬邦多造道自
得之倫絕異端斯害之黨曳袍即席氣凌風雲涉筆
吐奇妙入神化極天人之精後窮治亂之本源莫非
瑰璋之寶足副英雄之毅倘不然者何其與焉豈銖

銖之稱而不免于差豈一一之歛而或容其濫如某也降才非穎勵志自強勉々箕裘之晞拳々詩禮之訓兩由鄉舉一預荐書雖得失不足以動心而智慧莫諧于乘勢因治任于千里幸占籍于上庠偃然樂育之間期于深造而已年彌加而意彌篤學愈久而業愈疎適偶設科之求忘圖發策之決傷弓倦翻易生曲木之驚再戰疲兵徒有焚舟之誓與諸生而並進角一日之所長潛分罷歸敢希偶中致此策名之及詎無援已之緣此蓋伏遇某官開發聖經主張吾道從容不倦之誨裨益有為之時變愚而明化馭而

粹故使寡聞之迹亦叨賜第之光敢不勉所未能至其不逮用擴良心之蘊永堅大節之端仰答生成次酬教育寘此而語因知可哉

謝呂少監大夫舉陞陟啓

右某啓勾稽籍祿方托餘麻剝奏推材遽先鄙迹出于不度感也甚深何則古人重傾蓋之知志士甘抱閔之守惟得之有命守雜賤而必安惟取之以誠知雖新而弗舍故窮不論于媒已達不陷于蔽賢邈哉此風存亦無幾如某者養心未至涉道不精仕由為貧才豈適用力鉅劊之後勉從列職之早棲連一枝荏

萬三歲曷期內府之二忽偶高賢之臨趨風獲仰于
設施分行亟聞于遷拜馳情徒竭悵惇誨之難親汎
爰曲收承飛章之已誤此蓋某官勇于進善恕以取
人振蟠屈于可伸之時飾輪囷于有用之地故茲慰
荐不遠迂殊其在區々之衷敢忘繳々之過誓堅素
節毋玷公言下情無任激切依歸之至

上尚書右丞啓

右某啓伏以富貴得以道膏澤下于民乃古人之深
稱真丈夫之能事恭惟某官盛德重啓逢辰得君奮
身公忠致位承弼密若嘉猷之告廓然兼善之心四

海衣冠同于馳仰一時議論孰不知歸而某苦塊餘
生鄉閭屏處潛蒙大庇之及莫猷寸誠之勤茲就禮
經載趨朝著復畏簡之所迫圖造門而未由姑進悃
秉少舒向望

謝執政啓

右某啓辭富居貧乃古人不得已爾遜夷急病凡志
士豈無心哉蓋有不能則戒于先達義或可違則退
亦餘裕當不肖輸誠之日正鉅賢容物之時收愧汗
之泚顏聽德言之善誘頑非木石銘在肺腑恭惟某
官器越伊臯道深姪孟推至懷于高位廓兼濟于四

方以匹夫不獲為已憂以片善必求為已任採撫罔遺于撲檄忌嫌無擇于葭莩取之有方寧與十禽之詭舍其不逮蓋矜五技之窮若某之愚其感也甚乏季路乘桴之勇有仲將書榜之虞方戴丘山之恩遽愆轡策之指惟區々之微悃幸激々之見明可忘冰淵尚負芒刺鑽皮而出其羽固銜振拔之端投足而轉之波更起鳴號之望庶幾充擴仰報獎知舍茲而言罔識所措

謝吏部梁學士啓

右某啓託庇云初方懈勤拳之仰誤知何遽已蒙汲

引之恩感衷倍蕤媿汗流浹竊以命有窮達不移者志士之所持位無高卑可尚者正人之所與蓋尊賢以能致其類故觀舉而逆知其倫倘非道守之優難起德音之荐如某者性資樸拙術學迂疎自為器々未免碌々效官無補久負壯行之心養內不忘徒完氣夜之息一昨鉅創始復餘憊僅支彈冠再迫于荐負竊祿敢謀于擇地鷓枝偶附鼠技奚施第黃卷之是耽于素餐兮孰甚幸逢高誼來賤名曹職祿職局之微獲造門闈之峻承教既祛于茅塞飛章復冒于材稱雖知貴飾之榮實難吹噓之重此蓋伏遇某官

力仁有逮自信甚明不遺片善而樂于進人不責全
能而裕于接物故在抱關之黨亦叨推轂之私敢不
充擴所存端平其執庶保匪躬之責節勿貽厚過之羞
舍茲以還罔識所措

謝李郎中林工部啓

右某啓伏蒙高義不遺過有論荐出于望外感激倍
蓰伏念某降才冥昧涉道膚淺從仕久矣成效蔑然
行學之志徒竊愧負頃緣家難之後餘息未泯無環
堵以蔽風雨無擔石以給晨夕自力疲薶復造表著
非唯量已而易祿殆亦久渴而甘飲委心鈎攷之末

垂首簿書之際早披一衲壯志何在然而事權無與
吏責甚薄坐糜廩食苟度歲月雖忘大易任重之患
亦畏詩人素餐之刺以是陸自保固已厚顏尚何
敢冀高位君子荐之于朝廷之上哉伏惟某官德量
渾厚藻鑒馥遠持衡公道推轂下列以進其所知為
報國之務故力之可迨則引類不舍如某愚陋亦與
收採豈失于多愛而惑于誤聽耶旋自揆者第深踰
躋完水蘖之守未足為清戴丘山之恩何以圖報更
期勉勵于晚節庶或裨補于盛世且以副知遇之萬
一而不貽門下之羞也不勝悃幅之致至塵冒觀覽

伏增慙懼謹啓

賀謝中書胡舍人

右某啓伏審光膺制命榮陟詞垣休敷一傳群口交
慶竊以朝廷清明則賢者進號令溫雅則王猷尊唯
要地可以試經綸之才非大筆不足當訓誥之重故
西掖之高選為上心之慎求得人于斯今日尤盛伏
惟某官珪璋其質金石其衷器業弘深文章醇正嶽
嶽儒科之上廣譽莫先峴嶴諫列之中直言無拙守
道不回則天之與我傾義所在則國爾忘身繇齟齬
于半途久間關於外補難抑至公之論果符遶東之

明立矯陞以記言豈容淹晚傍鳳池而裁詔遽歷清
華在於向仰之情豁若隱憂之釋馳寸誠而尚緩荷
累幅之見勤心慙至音殆幾于忘味目驚竒寶寧惑
于暗投益欽盛德之謙光第發厚顏之愧汗款悰所
感敬畫奚殫

賀范待制啓

右某啓光奉恩俞榮陞侍從正人遂進舉世忻聞萬
舌一辭同誠相慶何則力裨國體忠賢為心膂之資
識照事幾舊德有著龜之喻雖進退之有命寔恹舒
之係人故用舍無喜愠之榮而出處繫重輕之勢在

今日之寵授宜輿情之樂傳伏惟某官涉道深醇操
身中正鼓華冠于仕路事業邁于古人不負壯行之
心獨高世濟之美曩居諫列直言嘗及于免冠累剖
使符遺愛每喧于卧轍更矣涼而易得外夷險以自
如公議久存難緩中朝之高選休恩荐至俄遷內閣
之近班佇承大任之來行展鉅材之效尚稽馳賀首
辱既音捧累幅之輝光特多謙挹鏤中局而銜荷莫
克勝任愧忤所深叙陳罔既

謝戶部楊侍郎啓

右某啓區々之跡久玷知遇不圖今者復冒論荐感

悞兼倍情誠靡極恭惟某官以道德術學早登近侍
而注措施設莫不贊國助治為志其援挽收拾宜得
瑰樸奇絕之才而舉之于朝使有以致用如某愚淺
何足比數而兩塵荐贖豈失于取人之太怒而聽之
或過耶如其不然蓋仁人君子倘有所知々其稍不
宜舍則引之掖之期于利達有用而後已不忍坐視
其窮而不加之力也由是推之則某重被推轂之恩
其所荷戴尤宜常心相萬若某之樸拙之守間關之
勢為公之所亮舊矣不俟縷々以煩聰明其感秉自
勉力行晚途莫有以上答睠與罔亦當歲諸心而深

若銘刻不假遂陳于左右今其言者姑以示德公之
賜而重為之儀且以異平日之請見于門闈况瀆將
命但增恐畏謹奉啓事陳謝伏惟台慈俯賜鑒念謹
啓

代人謝舉學官啓

右某啓伏聞判奏舉某堪充內外學官者明詔搜才獨
繫禁近公言荐士誤及最微感恩則深揣已惟愧竊
以國家閒暇朝廷清明道德教化之淳典章法度之
脩陶冶萬類輝華太平登廊廟者繫迹咎夔列藩翰
者比肩申召政事有龔黃之匹文章或班馬之儔抱

忠履信而濟之何多應變適時而人自若膏澤充
于四海精神會于一時歷攷陳編之文莫踰今日之
盛然猶慮崇學之未至患育材之未完近由膠庠遠
迄郡國必謹師儒之選以顯教道之功在于昌辰茲
寔先務渙若汀寧之令發于淵嘿之嚴付慎舉于通
臣蘄兼收于群雋自非銳于博習固以力行造道達
原翔中彪外傑然而模範正沛然而聞識強則何以
上副睿訓東求之強詳下當鉅賢論荐之重如某者生
而樸野學不談通心無自得之明性近因知之墮窮
聖經之深遠僅涉其流慕賢業之光輝徒堅其志偶

玷儒科之等初塵仕籍之聯方將刻意以進修豈足
誨人而誘掖遽蒙翦拂俾應選掄循省非宜悖慙彌
甚此蓋伏遇某官竭純誠而報國推兼善以及人誼
有可采則進之不宜力有可成則施之不倦適仰承
于休命爰下挽于寒生使之伸銖寸之能冀以入涓
埃之助敢不擴充素蘊激勵懦衷究先王之典而因
急服膺安君子之遠而永忘改步庶完操守上谷獎
知舍茲以還不識所措

代楊潛古授寶文閣待制知廬州謝兩制啓

幸假便藩叨聯近侍仰膺渙汗伏積凌兢竊以寶閣

華資參禁中之要職淝州樂土摠淮右之列城皆荐
紳之共榮為當世之高選宜得明哲以承寵光下慰
郡邑便安之情上副朝廷委寄之重如某者賦材拙
陋臨事迂踈遭際盛時玷塵臚仕長棘寺而澄清無
效二省曹而徑畫非功勉勤瘁于積年乘冲和于此
日懼貽後悔遂乞偏麾夫何誠懇之微冒此恩俞之
異過于可望理有攸歸此蓋伏遇某官德度淵深義
端方格推人材之倫品贊國體之尊安陰加援助之
仁嘿借吹噓之勢敢不欽敬明命堅完撲忠誓休驥
力之勞寧忘故步當此松心之壯不易晚凋庶補報

之有成期始終之無玷上答生成之賜次酬譽飾之私

又謝前執政啓

叨榮近侍忝寄便藩仰冒寵光伏深愧畏竊以禁垣美職參華內閣之隆淮甸名邦分摠列城之劇宜得疆明之雋以當付畀之難內焉可以輸獻納之忠外焉可以謹承宣之任乃稱盛朝之選始安輿論之公如某者識局不宏材資非穎誤蒙器使常懼顛濟幸賴明時獲伸薄效長理官之重刑成惟慎于哀矜二民部之繁調度敢違于藝極更炎涼而既久慮疲繭

以難支遂乞偏麾庶休勅迺何幸情誠之露遽沾恩命之優靜思厥由固有所自此蓋伏遇某官德高經濟才大將明表儀四方羽翼多士瞻舊物而嘿加庇助憫孤蹤而曲賜吹噓致是拙疎玷茲華要敢不增修晚節務杜後圖戴門下之恩丘山愈重完胃中之守金石非堅寵驚彌戒于循墻功累勿虧于覆瓿期始終之不貽異補報之有成上酬覆育之仁次答鈞陶之賜過此以往固知所裁

謝韓左司啓

右某啓曩叨公舉已冒德于積年今幸剽聞遽輸誠

于一日豈後恭而先倨蓋情動而言形窒聰既失于
晚知畏簡又拘于禁謁徒仰門闥之峻姑馳悵惘之
微媿汗洗于面顏感秉發于毫穎伏念某材資非穎
器識不宏間關仕途勉祿食難固時中之守已愆
行學之心恥脅肩而若病夏畦治龜手而未免澣洗
第懷有命之俟敢冀當權之知在不肖二滌之時正
高賢按部之日措事每承于循理剝煩嘗受于指蹤
惟圖謹責之逃豈意荐揚之及違旌麾于千里之外
更星禽者八年于茲鉅創再肉而復生短翮一技而
易足適棲遲于卑局獲瞻跋于高風膺門方念于難

登濤啓忽傳于密致玷重言而既久悟厚賜以何遲
併新感怍之情尚賴包容之度伏惟某官量涵方格
志擴公忠報國必舉所知取人不求其備故翦拂靡
遺于款段吹噓亦逮于輪囷敢不勵所存心安于履
坦俾之有用寧少惑于膠榮允也終窮誓不移于勁
節庶保踐修之正不貽獎過之羞舍茲以還固識所
措

得替謝執政

右某啓今月十五日受代已解職事者畫墁志食雖
甚愧于無功歲器須時亦潛希于有用乍脫簿書之

迹遽忘闕折之心蓋士人惟幸于逢辰而君子莫榮
乎行志當道揆之盛旦卒官常于累年得逃瘵曠之
愆寔冒包涵之賜義命所感情言曷勝伏念某樸樾
小材迂踈末學早塵科第久涉仕途間闕凡歷于七
官荏苒將盈于三紀剝裁數邑切于民者固不致祥
倖二兩州便于公者莫非極力飾吏敢由于他道
趣時每戒于苟為枉尋直尺則義不忍聞吐剝茹柔
則恥之有素但非詭遇何恤獲禽之踈倘以先容未
甘蟠木之棄一昨鉅劄初復餘憊僅支齒然造朝勉
以從事病渴固知于甘飲為貧寧嫌于居卑投身鉤

攷之間欽翮班聯之末日月易得孤筠四見于雪霜
智力何施芒屨久虛于盤錯茲幸及期而代可違尸
祿之尤匪有使然烏能逮此蓋伏遇某官力熙帝
載道亮天功擴伊呂之才而沛然有餘推堯舜之澤
而施之無外陶成世治悉歸粹美之風表正官師盡
勵忠臣之操有惟熙之百志無不獲之一夫故俾區
區之蹤亦同皞皞之泰遂終更而善罷保素守以自
全其敢不愈激懦衷更堅晚節惟其所粹固當盡粹
于明時若也終窮猶足仰歌于至化上答乾坤之施
次酬甄鑄之恩舍茲以往靡識所措

代李尚書回王學士謝館職啓

右某伏審光奉宸恩榮遷閣職于荐紳而共喜寔清
議之所歸何則石渠天祿之游仙府蓬山之北珍圖
秘籍充牣其中故老名儒萃聚于此歷代以為要地
在仕以為美官先王嘗嚴其名聊以澄一時之敬上
主復修其廢蓋將崇百世之文要之獨難其人必也
能材諸位伏以某官器函方格學際淵微休散遠邁
于等夷煩使累更于中外鉅賢引重固知公道之開
盛陟明尤貴書林之選棘位整淹于陪二霄途佇見
其超騰念展慶之未遑俄既音之先及情辭良厚誦

味不忘感愧所深叙陳曷既

回王學士謝理雪啓

右某啓曲蒙賤牘竊仰情誠非罪橫羅知世人之共
憫被恩昭雪喜君子之載亨過形推謝之言愈服撫
謙之度伏以某官性資冲學術學宏深蚤參文館之
游嘗預樞庭之屬即事功而有裕養器業以無虧德
靡不常烏有承羞之患疾生無妄果成勿藥之痊市
虎之善謗已消塞馬之亡蹤自復在旁觀而皆懷寔
衆論之攸歸尾弗怨飄益重遜辭之示至方磨玷尤
興美寶之全既愧勤秉且馳賀意悽々之款縷々奚

周

謝授職任啓

右某伏蒙聖聖恩授前件差遣公言密啓幸遇已知
 之深明命曲成叨膺使指之重汲引固榮其所自甄
 收竊懼其不勝惕然情誠曷以報稱何則轉輸所總
 刺舉是兼繫一道之戚休分九重之憂慮謂邦材必
 裕所宜先者藝極之供謂民力必舒不可存者培克
 之弊槲伏發姦則有殘苛之戒區瑕舍垢則虞偷惰
 之風惟公私之便安惟寬猛之均濟乃號稱職是為
 得人是非術學有原智能無蔽壅之通適時之務滔

滔懷應變之才則何以副器使于外臺助休明于盛
 世如某者降材不敏造道未深間闕徒久效官蓄縮
 每慙于行志衆皆訕其翫辭心自信于迂疎識不足
 以窮物
 二作序必有一誤
 連蹇
 丁巳年于老境甘
 私憂

于任重且內省于寵驚勉圖陳力之瘞敢有望涯之
 避全牛無見將希投及之能蟠木不遺盡賴先容之
 賜此蓋伏過某官闕至公之路廓兼善之心以惠民
 報國為材難以進善舉能為己任虔奉丁寧之訓詳
 求端正之倫因汎及于墮儒遂偶當遴選振揚滯跡

周

謝授職任啓

右某伏蒙聖聖恩授前件差遣公言密啓幸過已知之深明命曲成叨膺使指之重汲引固榮其所自甄收竊懼其不勝惕然情誠曷以報稱何則轉輸所摠刺舉是兼繫一道之戚休分九重之憂慮謂邦材必裕所宜先者藝極之供謂民力必舒不可存者培克之弊槩伏發姦則有殘苛之戒匿瑕舍垢則虞偷惰之風惟公私之便安惟寬猛之均濟乃號稱職是為得人是非術學有原智能無蔽壘、通適時之務滔

滔懷應變之才則何以副器使于外臺助休明于盛世如某者降材不敏造道未深間閱徒久效官蓄縮每慙于行志衆皆訕其翫辭心自信于迂疎識不足以窮物之微謀不足以經事之遠即侵尋于老境甘連蹇于仕途夫何朝論之餘擢以漕權之佐既私憂于任重且內省于寵驚勉圖陳力之瘞敢有望涯之避全牛無見將希投刃之能蟠木不遺蓋賴先容之賜此蓋伏遇某官闢至公之路廓兼善之心以惠民報國為材難以進善舉能為己任虔奉丁寧之訓詳求端正之倫因汎及于墮儒遂偶當遴選振揚滯跡

獲出鉅賢之門馳走修途往欽煩使之命敢不至其
不逮求所未知察利病于列城審施為于庶務孰為
盤錯潛忘利器之矜何憚雪霜終保勁松之節上谷
生成之造次酬獎拔之私舍茲以還識所措

到任謝執政啓

右某伏蒙聖恩授前件差遣已到任管勾者綸言督
遣度奉丁寧化筆品題叨逢採拾趣辨嚴于決日旋
叱馭于畏途固蘄悉力以蒞官第懼非材而速戾視
事云始操心甚危伏念某識昧通微術疎應變投步
難安于履坦謀身每拙于趨時仕也為貧何慕潛光

而隱耀得之有命未嘗直尺而枉尋涉三紀以教奇
秉一心而自信誰言高翮在在早栖嘗恨壯行未酬
幼學齒髮踰始衰之境情誠忘銳進之政方混跡于
簪紳甘擬倫于擗散夫何幸會遽冒恩俞付一道之
事權委十州之餽運曷由逮此固有使然此蓋伏遇
某官以道致君以忠報國和正一歸于區別滯淹盡
出揆揚明黜陟于朝端坦若至公之路示議形于天
下昭然丕變之風曾惟樸樸之資亦玷甄收之賜敢
不勵其職業慎所施為體明時愛物之心念遠俗懷
生之意肅齊郡縣俾無擾暴之殃撫馭邊郵庶絕繹

議形當是儀
型

駮之患上答乾坤之施次酬鈞鑄之私舍茲以還因
識所措早情無任激切依歸之至

謝執政啓

右某伏蒙聖恩授前件差遣到任管句者度奉綸言
之光再叨煩使仰繫化筆之力仍玷誤知辨嚴遽涉
于修途卜日敬臨于始事思所報稱內惟悖慚伏念
某造道不深降才非穎迹雖安履坦術未迨于蓬京
切祿無功幾類畫墁而志食秉心有守曷虞為範以
失禽間闕三紀之餘龜勉衆人之後暨齒髮之垂晚
幸陶甄之曲或俾之宣力于遠方必也竭精于庶務

化筆二字中
有誤

樂當作鑑

既述譴累復預掄選荐更漕輓之權亟付旣闕之部
丹非甚利獨憂樂錯之當技本易窮難強飛游之短
烏敢引避第欽所緣此蓋伏遇某官誠亮天功力熙
帝載邁阜變之事業贊堯舜之聰明擇官必度其能
何嘗虛授責寔不求其備固在有容曾惟撲拙之資
猶冒品題之賜某敢不益堅素節愈激懦秉窮利病
于八州敢輕舉錯察正邪于群吏亦勸懲庶職業
之粗修效涓埃之小補上答乾坤之施次酬鈞鑄之
私舍茲以往不識所向

上蔣穎叔啓

右某言念自違鈞庇日企台光悵竿牘之莫修懲門
墻而徒劇伏惟坐顛方面倍擁福禧恭以判府樞密
觀文稟天元精為國重器學貫古今而行之以道智
窮事物而處之以中顯然具多士之瞻偉矣富真儒
之業玉堂揮翰潤色訓詞之嚴樞府運籌宣威沙漠
之遠功茂寢兵之盛懇辭秉政之勞誠心上感于清
衷俞旨曲從于勤請歷全吳而臨重鎮人慶歌襦過
故里而擁高牙世欽畫錦某夙叨恩遇久玷仕途竊
慚無補于時已遂投閑之乞方圖問舍即從桑梓之
歸將獲望塵復帶幘幘之賜願延鼎鼐之召庶慰旌
祝頌之至

謝新及第狀元以下十人啓

右某伏審莫陞臚傳桂科魁選散華籍甚中外翕然
餘云唱第楓宸飛名桂籍散華霜著中外翕然竊以新恩狀元先輩行誼出倫
文章根道射策吐胷中之蘊程能冠天下之材餘云決科

高天下之才輿論一時方駭飛鳴之異層霄萬里佇觀事
業之光念展慶以未遑辱長戩之先及感慚彌切敷

叙奚周

謝解啓

竊以士懷經濟之能所希乎過主君有治安之術莫
盛于得人蓋無其位不足為兼善之資非其臣不能
成獨化之業聖賢相濟今古一端政教之原根基于
此然而不由道而入仕謂之竊天官不盡禮而取材
謂之輕國器故公朝有特起之命深谷無自媒之心
聘之甚勤至者見用或離蔬而踐廊廟或起畝而登
公卿皆高誼之素聞故大任之亟授迨時寢改于進
寔繁採求難以見其詳考覈于是掄其等漢以策為
繩準唐以賦為銓衡雜文詞未足盡才然輔相亦由
茲選國家垂統數世紹隆前王伊周呂召獻其明臯

夔稷禹布其職察廉進善天下無沉棄之人聚精會
神彀中皆豪雋之黨尚猶深講治具間頒詔音凡遇
鄉論俾參郡舉其在進揚之始亦法教律之程非徒
角之空文蓋將求于寔效草萊疎賤不以勢而間然
社稷忠良盡此途而出矣自非超異曷副詳延若某
者性近顛愚識非通博衆皆訕其寡合心自信于安
貧未嘗捨義而求從惟懼立身之不至學當為己慕
古儒而先行祿未及親與人子而同患念昔年之挫
忍復今日以彈冠豈期誤中評輒偕計籍頌藝能而
知短當推荐以懷慚事出不圖恩歸有地此蓋伏某

誤中之下疑
有遺脫

官扶持文教翦拂士流贊聖人側席之求助鄉老登
書之選飾駕成驥俟十駕而責其功揉曲為良荐萬
乘而適于用欲使無聞之品亦皆有補于時敢不恪
勵深衷堅持大節此烏充賦詎甘忝冒之名必也揚
庭頓眈阿諛之恥庶幾微蕞無玷藥薄知過茲以還不
識所措

謝及第啓

右某啓三月二十一日

皇帝御崇政殿放榜蒙恩賜進士出身仍當日釋褐
者公選精明當收賢者聖恩恢廓及幸人拜命榮

揣心甚愧竊以為君獨治自古共難必求良臣以責
顯效奈至旌輿巖谷物色草萊召以禮不召以威取
其人不取其闕棄版而相商宗聘之特勤舍渙而師
周王過之甚渥託一時之卜夢新四海之聽瞻皆謂
有非常之才固當為不次之舉然茲殊典難格後時
永惟取士之詳莫若設科之要自漢而降由唐以還
較評雄詞區處群彥文章凜々共高當世之風圭袞
班々率藉此途而出非惟試藝足號得人國家世統
靈長治原翕輶野無棄士廷有力臣坐廊廟者以伊
夔處心列藩屏者以呂召任已臺閣講議輝華乎典

謨膠庠弦歌暢道乎禮樂備閱前代無加本朝尚猶
開下詔音廣招雋類凡預鄉書之荐俾由禮部陞而
然後引之天庭揭以聖訓倘有中程之狀悉膺署第
之光然而教律之間可容妄作爵命之重豈宜濫當
高或致槐棘之尊下或取郡邑之貴所係悉大其材
寔難雖在伊人之為盡由今日之選自非超異曷副
詳延若某者生而賤負性復庸野不能治產尤喜執
經衆皆謂之僻儒心獨安于直道無闊達之度常愧
于古人負空虛之資俯羞于浮俗始千里選一黜文
評崎嶇數年連蹇萬態學如短狃信未及于淵源志

聖子評三行必有遺漏

略殊無一日之平
未確
非有遺漏似
有誤字
取親榮擢泊中楹之唱

若疎筠曾不選其節操時可佐而位無所踐親欲養
而祿無所干忠孝未全日月易往復偶旁求之命再
興妄進之懷雖焚舟以示于必行而發榮尚虞其難
等惟上意之第能不圖微軀亦玷後列寵乎踰分理
則有歸此蓋伏遇某官甄陶儒風儀表世教佐主而
求士欲無所遺器人而盡材容有不備使淺聞之賤
介亦見采于明時敢不永勵赤心堅持素節固異金

謨膠庠弦歌暢道乎禮樂備閱前代無加本朝尚猶
開下詔音廣招雋類凡預鄉書之荐俾由禮部陞而
然後引之天庭揭以聖訓倘有中程之狀悉膺署第
之光然而教律之間可容妄作爵命之重豈宜濫當
高或致槐棘之尊下或取郡邑之貴所係悉大其材
寔難難在伊人之為盡由今日之選自非超異曷副
詳延若某者生而賤負性復庸野不能治產尤喜執
經衆皆謂之僻儒心獨安于直道無闊達之度常愧
于古人負空虛之資俯羞于浮俗始千里選一點文
評崎嶇數年連蹇萬態學如短狃信未及于淵源志

若疎筠魯不選其節操時可佐而位無所踐親欲養
而祿無所干忠孝未全日月易往復偶旁求之命再
興妄進之懷雖焚舟以示于必行而發榮尚虞其難
得豈意鄉老貢迹太常籍名幸趨遠旒仰待明試天
題淵秘落筆詞窮晝景迅馳舉目心隕僅綴三篇之
略殊無一日之長所憂罷歸敢覲榮擢泊中楹之唱
等惟上意之第能不圖微軀之玷後列寵乎踰分理
則有歸此蓋伏遇某官孰陶儒風儀表世教佐主而
求士欲無所遺器人而盡材容有不備使淺聞之賤
介名見采于明時敢不永勵赤心堅持素節固異金

朱之樂願伸犬馬之能上酬國恩次谷鈞造降此以外不知他為某卑情無任感荷激切知歸之至

到任謝執政啓

右某伏蒙聖恩授前件差遣已于三月十七日到任管勾訖被遣按刑奉絲綸之明訓退思踰分荷甄鑄之深仁奔馳備歷于險巇督察始臨于疆境憂其非據情所不勝伏念某造道不深受材非敏第誠身而自信蔑求外以苟為間閥從事之勞荏苒歷年之久雖不足趨時而應變固未嘗直尺而在尋持節遠方荐忝皇華之使坐曹中省幸參白首之郎徒堅報國

之心寔愧食功之祿方謀引迹欲弓投閑不誤恩復加煩使况治所世矜者重輕之典清朝尤恤者出遠之祗儻非精明之資曷當刺察之任汎及孤拙豈無黃緣此蓋伏過某官誠亮天功力熙帝載坦闢公平之路判兮邪正之儔取人無求備之難分職有因能之妙曾惟撲墮亦玷品題敢不愈激懦衷勉圖微效去姦助善列城共底于澄清急吏寬民庶獄必祛其寃滯鼻少裨于忽眇期不玷于明昌上酬覆燾之恩次谷鈞衡之賜舍是而語詎知所裁卑情無任感帶戴激切之至

上執政啓

右某啓屈蟻求伸迺品物之常理涸鱗希潤宜至仁
之動心在愚慮以甚危望台階而遠叩情言迫切進
退凌兢伏念某樸樾小材倥侗末學蚤從祿仕久困
塵泥竊科幾四紀之深效官逃十任之責自叨使指
屢閱歲華始巡巴蜀之封旋領甌閩之部悉為遠地
豈敢告勞周旋六載之中間關萬里之部既每慎于
諏詢謀度且備嘗乎險阻艱難下繩州邑之勅上賴
朝廷之福賦財不愆于供貢盜姦畢既即于誅鋤凡
兩及于終更敢自言其善狀洎預造庭之列濫充典

客之負白頭雖愧于節潛素節固欺于士論自公退
食曾不越思有道誠身未嘗詭遇羞提徑之邪至難
鑿壟而益高佞俛再暮顛蒙特立幸遇聖政赫日新
之盛真賢贊道揆之明未見斥于冷官遽復蒙于煩
使仰軒陛訓詞之重念廟堂驅策之榮義難固辭樂
就遠適然而離鄉六千里去國五十九程每航不測
之淵常蹈無窮之險或烟瘴浸淫于晨邁或虎狼驚
突于晝行固奚恤于軀身惟恐羅于曠職飭列城于
明慎儆庶獄于平亭雖未全遠罪之風亦庶絕非辜
之嘆勤瘁不忘于終日拘攣已閱于三冬篋瓜代以

痛字消周
禮疾醫春
時有痛首
疾

謝西府啓

百行

過期乃行符而刻奏皇之俟命慄之齋心重念某齒
髮日衰關節疾動昏花眊視渴涸痛中乃緣衝冒之
勞以病叢微之質俾之久處實重私憂輒希仰首之
鳴號不避黷尊之罪戾恭惟某官功高摠揆志遂澤
民以唐虞之道致吾君以稷契之忠任吾已不忍匹
夫匹婦之責或曰每之十戶之責其露懇之誠寬此冒
是獲被更生之賜警堅晚節上報鉅恩干說鈞嚴某
早情無任惶懼激切之至謹具啓事陳獻伏惟鈞慈
俯賜鑒念

謝西府啓

右某啓伏蒙聖恩差知明州軍州事已於七月二十
三日到任管勾訖過瓜受代代四年久使于遠方剖
竹分符數月遽更于兩郡露奏獲伸其誠府把麾遂
適于鄉閭仰承優渥之恩悉自煥鎔之力惟知感激
第切凌兢伏念某術學空疎性資樸拙早由仕路久
玷朝紳竊祿幾四紀之深持身堅一節之守隨時順
仰鄙世俗之可羞與道卷舒慕古人之特立每懼過
情之聞敢希虛受之官固宜自分子疎閑何幸何膺
于識拔與即潛者再歲奉使指者十年間閱雖竭于

何膺當是
獨膺或叨
膺

痛字消周
禮疾醫春
時有痛首
疾

過期乃行符而刻奏皇之俟命慄之齋心重念其齒
髮日衰關節疾動昏花眊視渴涸痛中乃緣衝冒之
勞以病叢微之質俾之久處寶重私憂輒希仰首之
鳴號不避黜尊之罪戾恭惟某官功高摠揆志遂澤
民以唐虞之道致吾君以稷契之忠任吾已不忍匹
夫之失所贊成四海之升平察其露懇之誠寬此冒
威之譴回台燁而下燭運化筆以曲成庶幾垂盡之
惠獲被更生之賜誓堅晚節上報鉅恩干浼鈞嚴某
早情無任惶懼激切之至謹具啓事陳獻伏惟鈞慈
俯賜鑒念

謝西府啓

右某啓伏蒙聖恩差知明州軍州事已於七月二十
三日到任管勾訖過瓜受代代四年久使于遠方剖
竹分符數月遽更于西郡露奏獲伸其誠府把麾遂
適于鄉閭仰承優渥之恩悉自誕鎔之力惟知感激
第切凌兢伏念某術學空疎性資樸拙早由仕路久
玷朝紳竊祿幾四紀之深持身堅一節之守隨時順
仰鄙世俗之可羞與道卷舒慕古人之特立每懼過
情之聞敢希虛受之官固宜自分子疎閑何幸何膺
于識拔與即潛者再歲奉使指者十年間閱雖竭于

何膺當是
獨膺或叨
膺

勤勞翺忽殆忘于裨補旋省衰疲之質恐貽忝冒之
譏判章屢叩于九閭拜命果分于千里况四明之善
壤為三浙之美邦民饒畝之膏腴地有山川之清
勝冠蓋無徃來之冗厨傳絕修飾之勞利烟海之奠
鹽衆皆樂止近武林之桑梓人頗榮之設令自擇以
居所欲不過如此斯蓋伏遇某官力熙帝載誠亮天
功別忠邪以裨極治之朝明黜陟以贊仰成之政致
此寒微之迹遂其安便之私某敢不鉅細悉心夙宵
竭力承流宣化庶無愧于昔年利國惠民願有為于
今日上答乾坤之賜次酬陶冶之仁適以還因知所
措早情無任荷戴依歸之至謹奉啓事上謝伏惟鈞
慈俯賜鑒念

謝戶部虞尚書舉自代

右某啓竊聞判奏舉某自代者某衰晚孤蹤荒落舊
學無所堪可日思退縮豈謂八座高賢一時碩德特
不遐遺適有論荐且榮且愧惟感惟幸恭惟某官以
忠報國以取義人舉其所知不嫌故舊之密施于有
政止期器識之宜夫何汎及于匪材不亦少牽于多
愛雜欲激昂以酬知遇于清明之世其如罷輟不克
荷承于汲引之恩仰銜賸錄不勝憊之至謹具啓

上謝伏惟台慈俯賜鑒念謹啓

錢塘韋先生集卷第十一

